

雲林縣一般古物「重修順天宮碑記序」

重修順天宮碑記序

竊惟 天上聖母蹟著湄州而英靈赫濯神昭海國而德澤覃敷自宋初曆元明以至

國朝禦災捍患護國庇民屢顯神功難以殫述

聖天子 欽崇祀典 勅建褒賁凡溥海士民莫不均沾 惠澤咸敷 亦光我街闕境素沐

慈恩共懷崇祀自道光甲午春粧塑

聖像倡建 神宮四方善信喜捐樂助時因工力浩繁未能告竣迨庚子秋重興後殿董其事者

莫落成而不果經今十有八載矣不惟左右廊室未興即牆壁棟宇亦有遭風雨之損若不

修葺定廢前功茲咸豐元年冬十月朔集眾會議咸曰為山九仞功虧一簣倘皆勉力鼓

舞不難集腋以成爰與同志繼起勸捐蓋造修飾併建立 敬聖亭幸諸善信喜助添緣得成

美舉俾可以安靈貺肅人心振文運興風氣而垂不朽者特將前後捐題姓名登載鐫泐

諸碑石以昭誠敬以邀 神庥庶萬民仰宮闕之壯麗四境添福祥之休徵焉是為序

昔咸豐二年歲次壬子清和之月 董修弟子馬龍瑞敬撰并書